

# Powšitkowne WOZJEWJENJA

njedźelu, 17. junija 2012

## Chór za putnikowanje džěci a swójbne popołdnjo

Wšitke džěci, kotraž maja lóšt a zajim a rady spěwaja, su najwutrobnišo přeprašene, Božu mšu a nyšpor na putnikowanju džěci srjedu, 25. julija, w Róžeńce a na swójbny popołdnju njedźelu, 8. julija, na Kukowskim hrodzišću jako zhromadny chór wobrubic. Probje na Chróšćanskej farje budžetej sobotu, 30. junija, wot 9.00 do 13.30 hodž. a štwórtk, 19. julija, po džěcacych kemšach, kotraž su w 16.00 hodž., hač do 19.00 hodž. Zajimcy njech so prošu hač do wutory, 26. junija, pod telefonowym čisłom (03 57 96) 8 87 07 we Worklecach přizjewja.

## Klášterski a swójbny swjedžen w Marijinej Hwězdze

Abt Wolfgang Wiedermann z cistercienskeje abtownje Zwettl w Awstriskej budže hłowny celebrant Božej mše, tutu njedźelu, 17. junija, w kláštrje Marijinej Hwězdze. Z kemšemi w 10.30 hodž. so lětuši klášterski a swójbny swjedžen zahaji. Zakónčacy ekumeniski nyšpor w 17.30 hodž. woswjećitaj tachantski farar Wito Scapan a superintendent Jan Malink, wobaj z Budyšina. Mjez tym wočakuje hosći pisany program.

## Putnikowanje do Krupki

Na pěše putnikowanje do Krupki su młodostni ze wšěch wosadow tež lětsa zaso přeprašeni. Procesion woteńdže njedźelu, 29. julija, z Chróścic a wróci so pjatk, 3. awgusta. Zajimcy měli so najpozdzišo hač do pjatka, 6. julija, w Chróścicach na farje přizjewić, telefonowe čisło (03 57 96) 8 04 00. Zhromadźizna putnikow je njedźelu, 8. julija, po nyšporje na Chróšćanskej farje. Štóž so přeni raz na putnikowanju wobdžěli, njesmě na nej na žadyn pad pobrachować. Boža mša w Krupce budže srjedu, 1. awgusta, w 10 hodž.

## Ministranća hraja kopańcy

Tradicionalny koparski turněr serbskich ministrantow budže sobotu, 7. julija, w Pěskecach. Započatk je w 9 hodž. z Božej mšu we wjesnej kapałce.

## Koparski turněr hólčich a holčich młodžinskich mustwow

Lětuši koparski turněr serbskeje dekanatneje młodžiny budže sobotu, 14. julija, w Pěskecach. Zakop je w 10 hodž. Hraje so ze šěsć pólnymi hrajerjemi a wrotarjom. Mustwa – hólče kaž tež holče – měli so hač do pónđzele, 9. julija, w běrowje dekanatneho dušepastyrstwa we Worklecach přizjewić, telefonowe čisło (03 57 96) 9 55 95.

## Swójbne popołdnjo na Kukowskim hrodzišću

Dekanatne dušepastyrstwo přeprašuje na swójbne popołdnjo njedźelu, 8. julija, na Kukowske hrodzišće. Nyšpor zahaji so w 14.30 hodž., kotryž šole a džěci ze serbskich wosadow wobrubja. Přizamknu so swačina a wšelake poskitki.

## Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podač. Hić smě kóždy sobu, kotryž je 18. žiwjenske lěto docpěl. Termin putnikowanja je wot 5. do 15. awgusta. Zajimcy njech so přizjewja hač do njedźele, 1. julija, pola fararja Bena Jakubaša w Njebjelčicach, telefonowe čisło (0 35 78) 30 20 05.

## **W Radworju pytaja kubłarku**

Katolska wosada Marije, kralowny róžowca, w Radworju pyta za swój Katolski serbski džěcacy dom Alojs Andricki k 1. septembrej 2012 kubłarja abo kubłarku z džělowym wobłukom 30 hodžin wob tydžeń. Powołanske wuměnjnje je wotzamknjenje jako statnje připóznaty/a kublar/ka abo socialny/a pedagoga/pedagogowka kaž tež po móžnosći diplom w montessorijowej pedagogice (njeje pak wuměnjnje). Pisomne požadanja njech pósćelu zajimowani na tule adresu: Katolski serbski džěcacy dom Alojs Andricki, Nawjes 1, 02627 Radwor. Štóž ma prašenja, njech wobroći so na wjednicu Móniku Bukowu, telefonowe čisło (03 59 35) 2 07 17 abo pisomnje přez mailku na [Andritzki.Kinderhaus@t-online.de](mailto:Andritzki.Kinderhaus@t-online.de).

## **Swobodne džělowe městno w Smječkecach**

Dom swjateho Jana w Smječkecach pyta chorobnu sotru respektiwnje hladarja chorych abo kubłarku respektiwnje pedagogu z wotpowědnej kwalifikaciju za džěło pola duchownje zbrašenych a z nazhonjenjemi w nawjedowanju personala kaž tež w spěchowanju zbrašenych. Wodžaca pozicija ma so hač do 1. septembra wobsadzić. Požadanja přijima nawoda domu Tadej Šiman, telefonowe čisło (03 57 96) 88 61 31.

## **W Kulowje pytaja nawodnicu džěcaceho domu kaž tež kubłarku**

Katolska wosada Marije donjebjeswzača w Kulowje pyta za swój džěcacy dom Jakubetzstift k 1. septembrej nawodnicu abo nawodu z džělowym wobłukom 35 hodžin wob tydžeń. Powołanske wuměnjnje je wotzamknjeny studij jako statnje připóznaty/a socialny/a pedagoga/pedagogowka abo socialny/a džělačer/ka. Nimo toho pytaja w Kulowje k 1. septembrej kubłarja abo kubłarku z džělowym wobłukom 30 hodžin wob tydžeń. Dokładne wopisanje wobeju džěloweju městnow, kotrejž stej na dvě lěće wobmjezowanej, nańdu zajimowani w interneće pod [www.st-mariae-him-melfahrt-wittichenau.de](http://www.st-mariae-him-melfahrt-wittichenau.de). Pisomne požadanja njech pósćelu so hač do 30. junija Kulowskemu fararjej dr. Wolfgangej Křesàkej na tule adresu: Katolska fara Marije donjebjeswzača, Cyrkwinske naměsto 1, 02697 Kulow. Štóž ma prašenja, njech zazwoni Kulowsku faru, telefonowe čisło (03 57 25) 75 80.